

Билг-эрдм өөдлүлхмн

*Хальмг таньгъчин культурун начальник
Эрдниева Бадма мана корреспондент
кесн күүндвр*

Хальмг таньгъчар культуриг хэрү өөдлүлхин туст Советск правительств олн төрмүд темдглв. Элст балгъснд 600 күүнэ ормта культурун Гер тосхгдхмн. Культурун халхар көдлджэх улс баях 12 патьртэ гер тосхгддж баянэ. Таньгъчин типограф хэрү кегддж тосхгдхмн. Шинрадж ясхд, типографд машид шинэр тавхд 160 миньгън арслнь өгчанэ. Госбанкн ссудар Элст балгъснд 400 күүнэ ормта зунар кино гардг кино-театр тосхгдхмн. Эн джил июлин нег шинэс авн эклад, 35 улста хальмг дунбиигъин ансамбль хэрү тогтхмн. Намртан Островскин нертэ Ленинградск театралнь институтд хальмг баг гархмн, энүгэр дамжулад Хальмг таньгъчин театрт артистнр белдгдхмн.

Шинэс бүрдэсн райодар цугъараднь, центр деернь района культурун Гермүд, района библиотекс, района кинотеатрмуд гаргъхмн.

Таньгъчин киносеть икдүлхин төлад 8 автомаши правительств гаргъдж өгв, тер машидар йовдж, таньгъчар кино үзүлхмн. Мана таньгъчд 28 киноаппаратс болн 12 стационарн электростанцс правительств өгчанэ. Эдн цугъар хөбчнрин, таранэ, тракторн бригадсар, кеер көдлджэх улст курч делгрх йоста.

Хуучн халэциг, селанэ балгъсна центр деер эрдм-герл делгрүлхиг медхас биш, кеер көдлдж йовх көдлмшчнр, колхозникүдиг төртан эс авдг бу-

ру йовдлмудиг тас уурулх кергтэ. Эн хамгиг Коммунистическ партин XX-ч съезд эврэ шиидвртан лавтрха кевэр заала. Селан газрт культурун көдлмш: кино, радио, клуб, библиотек, газет, — Коммунистическ тосхлгъар кеджэх кергүдлэ бэрлдатэгъар кедх зөвтэ.

Эн учрар таньгъчин райодар дакад бас шинэс 5 селанд клуб гаргъгдхмн, 10 селанд библиотекс гархмн, өминь эрдм-герлин баярн уга баясн газрмудар эдн тогтагдхмн. Кино үзүлгънэ керг өргн кевэр делгрв. Одгэ цагт таньгъчар государствин 72 киноаппарат баянэ, балгъсна 4 кинотеатр, райодин 10 кинотеатр болн профсоюзин 41 кино баянэ. Тиим болвчигин, күч-көлсчнр цугъараднь кино үзүлдж чаддж баяхшвдн. Шинэс гарсн фильмс үзүлгъярн кинон халх организацс нег үлү оцлар көдлнэ.

Таньгъчар баях райодин культурун Гермүд, селанэ клубс, библиотекс, профсоюзин активс олна эрдм-герлин көдлмшиг саянар делгрүлдэ селанэ эдл-аху, эрдм-сургуль делгрүлх төрэр мана коммунистическ парторганизацист, советск органст лавта доньгчнь болх зөвтэ. Таньгъчин комсомол эн төрт йоста шунмгъа эклэчнь болх йоста.

Мал-гер, эдл-ахугъарн зергддж мана Хальмг таньгъч эрдм-герларн — социалистическ культурун өсдг өргдх мөн.